




OFISI YA RAIS
TAWALA ZA MIKOZA NA SERIKALI ZA MITAA
HALMASHAURI YA WILAYA YA MERU



Unapojibu tafadhalii taja:

28.09.2021

TANGAZO

(Limetolewa chini ya Kifungu cha 155(1) cha Sheria ya Serikali za Mitaa (Mamlaka za Wilaya) Sura ya 287 Rejeo la Mwaka 2002 la Sheria za Tanzania.

Wakazi wa Halmashauri ya Wilaya ya Meru mnatangaziwa kwamba, Halmashauri ya Wilaya ya Meru inakusudia kutunga sheria ndogo katika mkutano wake wa baraza la madiwani unaofuta. Sheria ndogo zinazokusudiwa kutungwa ni hizi zifuatazo.

A. SHERIA NDOGO YA (ADA NA USHURU) ZA HALMASHAURI YA WILAYA YA MERU ZA MWAKA 2021.

I) CHIMBUKO LA SHERIA NDOGO HIZI NI:

- a) Kifungu cha 6(1) na 16(1) vya Sheria ya Fedha ya Serikali za Mitaa Sura 290 rejeo la mwaka 2019 la Sheria za Tanzania.
- b) Sheria ndogo ya (Ada na Ushuru) za Halmashauri ya Wilaya ya Meru za mwaka 2014 ambazo zilichapishwa katika tangazo la Serikali namba 117 la tarehe 27/03/2015. Sheria ndogo hizi zilikua zikitumiwa na Halmashauri ya Wilaya ya Meru katika kutoza Ada na Ushuru mbalimbali, kwa ajili ya vibali, na huduma zitolewazo na Halmashauri.

II) MADHUMUNI YA SHERIA NDOGO HII

- a) Kuboresha viwango vya ada na ushuru vilivyowekwa na Sheria ndogo za Ada na Ushuru za mwaka 2014.
- b) Kuanzisha vyanzo vipyta vya mapato vya Halmashauri ambavyo ni huduma za mazishi, huduma ya kupuliza sumuya kuua wadudu, tuzo za ardhi, kuzigira maeneo na kuweka jukwaa, uuzaji wa matofali, wamiliki wa maeneo

yaliyopangishwa minara ya mawasilaino,kushusha mazoa au bidhaa sokoni,huduma ya bafu na choo pamoja na shule za serikali zenye mchepuo wa kiingereza.

III) MAMBO MUHIMU YATAKAYOZINGATIWA KATIKA SHERIA NDOGO HII

Katika kutunga Sheria ndogo hii Halmashauri imezingatia matakwa ya Sheria mama za Sekta husika ili kuepuka kukinzana pamoja na hali halisi ya kiuchumi ya wakazi na wafanyabiashara wakubwa na wadogo wanaofanya shughuli zao katika eneo la mamlaka la Halmashauri ya Wilaya ya Meru.

IV) MATOKEO YA KUTUNGWA KWA SHERIA NDOGO HII

Kuwezesha Halmashauri kukusanya mapato yake kwa kuzingatia taratibu za kisheria,mapato hayo ambayo yatatumiwa katika kugharamia shughuli za maendeleo.

B. SHERIA NDOGO YA (UDHIBITI WA MAZAO YA MISITU) ZA HALMASHAURI YA WILAYA YA MERU ZA MWAKA 2021.

CHIMBUKO LA SHERIA NDOGO HIZI NI:

- a) Kifungu cha 153 cha Sheria ya Serikali za Mitaa(Mamlaka za Wilaya) Sura 287rejeo la mwaka 2019 za Sheria za Tanzania.
- b) Changamoto ya ukosefu wa sheria ndogo ya kudhibiti biashara holela ya mazao ya misitu ambapo husababisha uharibifu wa mazingira na upotevu wa mapato ya serikali

II) MADHUMUNI YA SHERIA NDOGO HII

- a) Kuhakikisha ustawi wa uhifadhi wa Misitu ndani ya Halmashauri
- b) Kukusanya mapato yatokanayo na biashara ya mazao ya Misitu ambayo yalikuwa hayakusanyi.
- c) Kuendeleza Misitu ya jamii mmbalimbali

III) MAMBO MUHIMU YATAKAYOZINGATIWA KATIKA SHERIA NDOGO HII

- a) Shughuli za kiuchumi zinazofanywa na wananchi kupitia mazao ya Misitu
- b) Tamaduni za jamii ya Meru katika uhifadhi wa Misitu
- c) Kukabiliana na tatizo mabadiliko ya tabia nchi

IV) MATOKEO YA KUTUNGWA KWA SHERIA NDOGO HII

- a) Kupunguza /kumaliza migogoro kati ya wakulima na wafanyanbiashara ya mazao ya misitu
- b) Kuimarisha uhifadhi wa Misitu
- c) Kuongeza mapato ya Serikali pamoja ni mtu mmoja mmoja
- d) Kukabili mabadiliko ya tabia nchi.

Watu wote amabo kwa njia moja au nyingine wanathiriwa na Sheria ndogo hizi wanakaribishwa kuleta maoni yao au pingamizi dhidi ya Sheria ndogo hizi ndani ya muda wa siku 30 tokea tarehe ya tangazo hili. Maoni au pingamizi hizo zinatakiwe ziwasilishwe kwa maandishi kwa Mkurugenzi Mtendaji wa Halmashauri ya Wilaya ya Meru.

Nakala za Rasimu za Sheria ndogo hii zinapatikana katika Ofisi za Kata zote za Halmashauri ya Wilaya ya Meru



Nakala:

1. Mkuu wa Wilaya
ARUMERU
2. Mwenyekiti wa Halmashauri
MERU.
3. Mbao za Matangazo
Ofisi za Kata
HALMASHAURI YA MERU
4. Mbao za Matangazo
Ofisi za Vijiji
HALMASHAURI YA MERU